

# APB Rembau e-Bulletin

e-ISSN: 2682-776X

Edition: 14/2024

## EDITORIAL BOARD

### PATRON

Prof. Dr. Yamin Yasin

### COORDINATOR

Prof. Madya Dr Norwati Hj Roslim

### CHIEF EDITOR

Assoc. Prof. Dr. Soo Kum Yoke, Carolyn

### EDITORIAL COMMITTEE

Khairon Nisa Shafeei

Shahrul Muhazad Shahrudin

Nadiah Yahyauddin

### IN THIS ISSUE:

- \* Fun With Language
- \* Written Articles
- \* APB Rembau Activities  
(March to October 2024)

**Lawatan Motivasi Pelajar Kolej  
Matrikulasi Negeri Sembilan ke  
Universiti Teknologi MARA Kampus  
Kuala Pilah Negeri Sembilan**

Sheikh Ahmad Izaddin Sheikh Mohd Ghazali, Nur Sofiah Abu Kassim, Asiah Abdullah, Suhaidi Ariffin, Nurul Auni Zainal Abidin, Nurul `Ain Jamion, Nurul Hidayah Adenan, Mu`adz Ahmad Mazlan

Pada 23 Ogos 2024, seramai 30 pelajar Kolej Matrikulasi Negeri Sembilan serta 6 tenaga pengajar telah menyertai lawatan motivasi ke Universiti Teknologi MARA (UiTM) Kampus Kuala Pilah, Negeri Sembilan. Program yang dinamakan **\*\*Chemistry Redemption\*\*** ini bertujuan merangsang motivasi pelajar untuk mencapai kecemerlangan akademik, selain memberi suntikan semangat agar mereka lebih berkeyakinan meneruskan sesi pembelajaran ke peringkat yang lebih tinggi. Objektif lain program ini adalah untuk memberikan pendedahan kepada suasana pembelajaran di universiti, serta membantu pelajar membuat persediaan awal bagi menghadapi Peperiksaan Semester Program Matrikulasi (PSPM).

Pelajar tiba di UiTM pada jam 8:15 pagi dan memulakan program dengan nyanyian lagu Negaraku dan UiTM Dihatiku pada jam 8:30 pagi. Seterusnya, ucapan disampaikan oleh Ketua Program Pengajian Kolej Matrikulasi, diikuti dengan penyampaian cenderamata kepada wakil KMNS pada jam 8:45 pagi. Setelah sesi

bergambar di sekitar kampus UiTM pada jam 8:50 pagi, sesi pembentangan oleh wakil-wakil pusat pengajian diadakan dari jam 9:00 hingga 10:30 pagi dimana pihak urusetia telah menjemput wakil dari program Pra Diploma Sains Puan Siti Noriah Mohd Shotor, program Biologi Dr Mu`adz Ahmad Mazlan, program Teknologi Makanan Dr Hisham Mohd Nooh dan Puan Ts. Siti Nafisah Md Rashid selaku pengerusi Misi akademik UiTM Negeri Sembilan.



Gambar 1 : Ucapan alu-aluan oleh Koordinator Pusat Pengajian Kimia Alam Sekitar, ChM Dr Nur Sofiah Abu Kassim

Program diteruskan dengan lawatan ke pusat akademik, makmal, dan fakulti pada jam 10:45 pagi, di mana pelajar diberi peluang melihat kemudahan pembelajaran yang disediakan oleh universiti. Pada jam 11:45 pagi, para pelajar berkumpul di foyer untuk sesi bergambar bersama-sama sebelum pulang ke KMNS pada jam 12:00 tengah hari.



Gambar 2: Gambar kenangan bersama KMNS dan AJK yang terlibat

Secara kesimpulannya, lawatan ini berjaya meningkatkan motivasi pelajar dan membantu mereka merancang laluan pendidikan masa depan dan memilih UiTM sebagai salah satu dari pilihan mereka untuk menyambung pengajian di peringkat ijazah.